



ԵՐԵՎԱՆԻ ՔԱՂԱՔԱՊԵՏԱՐԱՆ

ՀՀ, 0015, ք. Երևան, Արգիշտիի 1

N°07/230055-23

ՔԱՂԱՔԱՑԻ ԱՐՄԵՆ ԹԱԴԵՎՈՍՅԱՆԻՆ

(ք. Երևան, Թումանյան թղմ. 13/3, 18)

Հարգելի՛ պարոն Թադևոսյան,

Ի պատասխան Ձեր 13.12.2023 թվականի հ. Դ-156390-23 դիմումի՝ հայտնում եմ, որ «Երևան քաղաքում տեղական ինքնակառավարման մասին» օրենքի 96-րդ հոդվածի 1-ին մասի 1-ին կետի համաձայն՝ վարչական շրջանի ղեկավարը առևտրի և սպասարկման բնագավառում իրականացնում է հետևյալ լիազորությունները՝ վարչական շրջանի տարածքում, առևտրի համայնքային կանոններին համապատասխան, տալիս է ոգելից և ալկոհոլային խմիչքների և (կամ) ծխախոտի արտադրանքի վաճառքի թույլտվություն:

Վարչական իրավախախտումների վերաբերյալ օրենսգրքի 169.16-րդ հոդվածի 1-ին մասի համաձայն՝ առանց թույլտվության ոգելից և (կամ) ալկոհոլային խմիչքների և (կամ) ծխախոտային արտադրատեսակների կամ ծխախոտային արտադրատեսակների փոխարինիչների կամ ծխախոտային արտադրատեսակների նմանակների վաճառք իրականացնելը, իսկ հանրային սննդի օբյեկտներում ոգելից և ալկոհոլային խմիչքների և (կամ) ծխախոտային արտադրատեսակների կամ ծխախոտային արտադրատեսակների փոխարինիչների կամ ծխախոտային արտադրատեսակների նմանակների իրացում իրականացնելը՝ առաջացնում են տուգանքի նշանակում՝ սահմանված նվազագույն աշխատավարձի հարյուրապատիկից մինչև երկուհարյուրապատիկի չափով:

Վերոգրյալ իրավանորմերի համակարգային վերլուծությունից բխում է, որ Երևան համայնքի տարածքում ոգելից և ալկոհոլային խմիչքների և (կամ) ծխախոտի արտադրանքի վաճառք իրականացնելիս անձը պետք է տվյալ վարչական շրջանի ղեկավարից հայցի և ստանա նման գործունեությամբ զբաղվելու թույլտվություն, իսկ նման թույլտվության բացակայությամբ գործունեություն իրականացնելու դեպքում վերջինս նկատմամբ կիրառվում է վարչական իրավախախտումների վերաբերյալ օրենսգրքի 169.16-րդ հոդվածի 1-ին մասով նախատեսված պատասխանատվության միջոցը:

Վարչական իրավախախտումների վերաբերյալ օրենսգրքի 169.16-րդ հոդվածի 7-րդ մասի համաձայն՝ Առանց թույլտվության հանրային սննդի կազմակերպումը և իրացումը՝ առաջացնում են տուգանքի նշանակում՝ սահմանված նվազագույն աշխատավարձի ութունապատիկից մինչև հարյուրապատիկի չափով:

Վերոգրյալ իրավանորմերի համակարգային վերլուծությունից բխում է, որ Երևան համայնքի տարածքում հանրային սնունդ կազմակերպելիս անձը պետք է տվյալ վարչական շրջանի ղեկավարից հայցի և ստանա նման գործունեությամբ զբաղվելու թույլտվություն, իսկ

նման թույլտվության բացակայությամբ գործունեություն իրականացնելու դեպքում վերջինս նկատմամբ կիրառվում է վարչական իրավախախտումների վերաբերյալ օրենսգրքի 169.16-րդ հոդվածի 7-րդ մասով նախատեսված պատասխանատվության միջոցը: Ընդ որում նախքան թույլտվության ստացումը, տվյալ թույլտվության ստացման համար համապատասխան տեղական վճարի վճարումը չի հավասարեցվում թույլտվության ստացմանը և չի ազատում վարչական պատասխանատվությունից:

Միաժամանակ հարկ է արձանագրել, որ վարչական իրավախախտման սույն գործընթացներում գործը քննող մարմնի համար պարզման ենթակա հանգամանք է այն, արդյո՞ք գործունեության իրականացման պահին առկա է եղել համապատասխան վարչական ակտը (թույլտվությունը) թե ոչ, որը սույն դեպքում բացակայել է, իսկ թույլտվությունը չստանալու պատճառները դուրս են սույն վարույթներում պարզման ենթակա հանգամանքների շրջանակից:

Վերոգրյալով պայմանավորված հարկ է արձանագրել, որ առկա չէ իրավական հիմք Ձեր նկատմամբ 17.10.2023 թվականին կայացված «Վարչական տույժ նշանակելու մասին» թիվ Վ-40/77 և թիվ Վ-40/85 որոշումները բեկանելու համար:

 Invalid signature

X 

ԱՐԱՄ ՄԱՐՏԻՐՈՍՅԱՆ

Signed by: MARTIROSYAN ARAM 1310890994

ՀԱՐԳԱՆՔՈՎ՝

ԻՐԱՎԱԲԱՆԱԿԱՆ ՎԱՐՉՈՒԹՅԱՆ

ՊԵՏԻ ՏԵՂԱԿԱԼ

ԱՐԱՄ ՄԱՐՏԻՐՈՍՅԱՆ

Կատարող՝ Ա. Գաբրիելյան
Աշխատակազմի իրավաբանական վարչություն
Հեռ.011 514-005 (684)